

Expediente 10566-335

CONVENIO DE COLABORACIÓN COA “ASOCIACIÓN DISCAMINO DE SANTIAGO” PARA A PARTICIPACIÓN NA “CABALGATA DE REIS 2026”

En Vigo, na data da sinatura dixital

REUNIDOS

Dunha parte, dona Patricia Rodríguez Calviño, na súa calidade de concelleira-delegada da Área de Goberno de Seguridade, Contratación, Festas e Xestión Municipal do CONCELLO DE VIGO, na representación legal do mesmo, en virtude do decreto da Alcaldía de data 20 e 28 de xuño de 2023 e modificación de data 28/6/2024.

Doutra parte, D. Javier Pitillas Torra con DNI 22643038 K en representación da ASOCIACION DISCAMINO DE SANTIAGO, con NIF G27852375, Asociación cultural deportiva sin ánimo de lucro con personalidade xurídica, con número de rexistro no Concello de Vigo 01442-24.

E, actuando dona Susana Gallardo Fariña, en calidade de secretaria do Goberno Local do Concello de Vigo, dando fe do acto.

Recoñecéndose mutuamente os comparecentes a plena capacidade legal necesaria para o outorgamento do presente convenio

MANIFESTAN

I. Os municipios, para a xestión dos seus intereses e no ámbito das súas competencias, poden promover actividades e prestar servizos públicos que contribúan a satisfacer as necesidades e aspiracións da comunidade veciñal, segundo o previsto no artigo 25 da Lei 7/1985, do 2 de abril, reguladora das bases de réxime local (LRBRL). Entre estas competencias atópase a promoción da cultura (artigo 25.2.m da LRBRL e aos municipios galegos no artigo 80.2.n da Lei de Galicia 5/1997, de 22 de xullo, de administración local de Galicia).

II. A Asociación Discamino de Santiago (G27852375) ten como obxectivo xeral a integración das persoas con discapacidade no conxunto da sociedade sendo esencial a mellora da calidade de vida das persoas pertencentes a este colectivo, sen olvidar que a súa realidade social vese prexudicada por problemas asociados á súa discapacidade, tanto de tipo social como persoal.

PACTOS

Primeiro.- NORMATIVA APLICABLE E OBXECTO

O presente convenio é de natureza administrativa, resultándolle de aplicación o disposto na Lei 39/2015, de 1 de outubro, do Procedemento Administrativo Común das Administracións Públicas e na Lei 40/2015, de 1 de outubro, de Réxime Xurídico do Sector Público.

O presente Convenio ten por obxecto establecer o marco de colaboración no evento CABALGATA DE REIS 2026 entre o Concello e a Asociación Discamino de Santiago coa finalidade de colaborar coa inclusión das persoas con discapacidade na participación activa nos eventos socioculturais organizados polo Concello de Vigo.

Segundo.- OBXECTIVOS E ACTIVIDADES

Os obxectivos deste convenio están centrados no apoio dirixido ás asociacións sen ánimo de lucro do municipio para colaborar na realización dos fins sociais que teñen encomendados e no fomento da participación na vida cultural da cidade das persoas con discapacidade.

Terceiro.- FINANCIAMENTO DO CONVENIO

O Concello de Vigo contribuirá ao financiamento do proxecto cunha achega de 4.000,00 € (catro mil euros). O importe comprometido por parte do Concello de Vigo realizarase con cargo á aplicación orzamentaria 3380.2260901 (Cabalgata de Reis) do exercicio orzamentario 2026 do Concello de Vigo.

Cuarto.- COMPROMISOS DAS PARTES

a) A Asociación Discamino de Santiago comprométese a:

- 1) A colaborar no desenvolvemento do evento “Cabalgata de Reis “2026” que terá lugar o día 5 de xaneiro, participando con carrozas e disfraces elaborados por voluntarios e usuarios da asociación. Participará con 17 Triciclos tándem, 4 Joelettes, 2 Bici cadeiras e 18 voluntarios a pe disfrazados de diferentes personaxes baixo o lema “Animais Fantásticos”.
- 2) Subscribir unha póliza de seguro de responsabilidade civil que cubra os riscos derivados da participación na Cabalgata de Reis.

b) O Concello de Vigo comprométese a

- 1) Facilitar a participación da asociación nos actos da cabalgata de Reis 2026.
- 2) Efectuar unha achega económica por importe de 4.000 euros para afrontar os gastos derivados da participación da asociación na Cabalgata de Reis.

Quinto.- XUSTIFICACIÓN

A beneficiaria, unha vez rematada a actividade, deberá xustificar o cumprimento das condicións impostas e a consecución do obxecto deste convenio e, no seu caso, da aplicación dos fondos recibidos.

Expediente 10566-335

Sexto.- PAGAMENTO DA TRANSFERENCIA DE FINANCIAMENTO

O pagamento da cantidade recollida neste convenio efectuarase tras a celebración do desfile da Cabalgata de Reis 2026.

O pagamento efectuarase por transferencia bancaria á conta corrente número ES25 2100 1773 8602 0027 0463 da entidade CAIXABANK, e da que é titular a entidade beneficiaria, tras a xustificación das axudas segundo o establecido no pacto quinto.

Sétimo.- SEGUIMIENTO, VIXILANCIA E CONTROL DE EXECUCIÓN DO CONVENIO

Para o seguimento e coordinación da execución deste convenio e resolución das dúbidas que poidan producirse na súa interpretación crearase unha comisión paritaria integrada por un dous representantes de cada unha das partes asinantes, e o coordinador do Plan de Autoprotección.

A Comisión Mixta terá como funcións o seguimento, vixilancia e control da execución do convenio e dos compromisos asumidos polas partes. Tamén resolverá os problemas que poidan xurdir no desenvolvemento do mesmo.

A Comisión será presidida pola Concelleira da Área de Seguridade, Contratación, Festas e Xestión Municipal, e formarán parte da mesma, o presidente da asociación e outro vogal designado por este e a xefa do servizo de Festas, que exercerá as funcións de secretaria.

A Comisión de Seguimento reunirase cando o estime conveniente a súa presidenta, por decisión propia ou a petición de calquera dos seus membros. As súas reunións terán lugar na Casa do Concello de Vigo.

Oitavo.- CUMPRIMENTO DA FINALIDADE

O cumprimento da finalidade que determinou o presente convenio deberá ser a axeitada á xustificación da mesma, que será comprobados polo servizo de Festas.

O incumprimento das obrigacións e compromisos asumidos por cada unha das entidades asinantes do presente convenio, determinará a resolución do mesmo e a entidade incumpridora asumirá os danos acreditados que se deriven daquel. De non alcanzarse acordo expreso entre as partes, para o seu cálculo e abono estarase aos criterios establecidos polo artigo 34 da Lei 40/2015, do 1 de outubro, de Réxime Xurídico do Sector Público.

Noveno.- VIXENCIA DO CONVENIO

O presente convenio de colaboración terá un prazo de vixencia dende a súa sinatura ata o día 8 de xaneiro do ano 2026.

Décimo.- MODIFICACIÓN

O presente convenio poderá ser modificado mediante acordo expreso das entidades asinantes.

Undécimo.- CONTROVERSIAS

A Concelleira da Área de Seguridade, Contratación, Festas e Xestión Municipal queda facultada para resolver as posíbeis controversias derivadas da execución e interpretación deste convenio, para tomar iniciativas que contribúan ó seu cumprimento e desenvolvemento, así como para propoñer ou autorizar modificacións, sempre e cando ditas modificación non supoñan un incremento sobre o importe da transferencia prevista neste convenio.

En caso de controversias, as entidades asinantes se comprometen a colaborar en todo momento de acordo cos principios de boa fe e eficacia para asegurar a correcta execución do previsto neste convenio; conforme a elo, faranse os máximos esforzos para resolver de forma amistosa calquera controversia que puidese xurdir na interpretación e cumprimento deste.

Duodécimo.- RESOLUCIÓN

O Convenio poderá resolverse en virtude das seguintes causas:

1. Pola finalización do período estipulado para a súa vixencia.
2. Por mutuo acordo das partes.
3. Polo incumprimento por algunha das partes de calquera das cláusulas establecidas no mesmo.
4. Por denuncia dalgunha delas, que deberá ser comunicada cun preaviso de tres meses.

No suposto de extinción do Convenio, as accións específicas concertadas ao abeiro da mesma seguiranse desenvolvendo na forma, condicións e prazos previstos ata o seu total cumprimento.

Décimo terceiro.- CONFIDENCIALIDADE

Ambas as partes comprométense a cumprir e facer cumprir o deber de segredo profesional e de confidencialidade, que abranguerá calquera información ou dato que se puidese coñecer con ocasión desta colaboración.

Décimo cuarto.- XURISDICIÓN COMPETENTE

O presente convenio queda excluído do ámbito de aplicación da Lei 9/2017, do 8 de novembro, de Contratos do Sector Público, rexerase polas súas propias cláusulas, aínda que resultará de aplicación supletoria a fin de cubrir as lagoas de interpretación que puidesen xurdir, conxuntamente coas normas xerais do dereito administrativo.

As cuestións litixiosas ás que poida dar lugar a interpretación, modificación, efectos ou resolución do contido do presente convenio específico de colaboración que non foran resoltas pola comisión de seguimento prevista no pacto sétimo do convenio, someteranse á xurisdición contencioso-administrativa, de conformidade co disposto na Lei 29/1998, de 13 de xullo, reguladora da citada xurisdición.

Servizo de Festas

**ÁREA DE SEGURIDADE,
CONTRATACIÓN, FESTAS E
XESTIÓN MUNICIPAL**

**CONCELLO
DE VIGO**



Expediente 10566-335

Pola entidade Asoc.Discamino de Santiago

O representante legal

D. Javier Pitillas Torra

Polo CONCELLO DE VIGO

A concelleira-delegada da Área de
Goberno de Seguridade, Contratación
Festas e Xestión Municipal

Dna. Patricia Rodríguez Calviño